

摘藻堂四庫全書薈要

集部

欽定四庫全書薈要卷一萬七千四百五十九

集部

御定全唐詩卷五十四

崔湜

崔湜字澄瀾定州人擢進士第累轉左補闕豫修三教珠英附武三思上官昭容由考功員外郎驟遷中書舍人兵部侍郎俄拜中書侍郎檢校吏部侍郎同中書門下平章事為御史劾奏貶江州司馬安樂公主從中申護改襄州刺史韋氏稱制復同中書門下三品睿宗立

出為華州刺史除太子詹事景雲中太平公主引為中
書令明皇立流嶺外以常豫逆謀追及荊州賜死是執
政時年三十八常暮出端門緩轡賦詩張說見之歎曰
文與位固可致其年不可及也詩三十八首

塞垣行

一作崔融詩

疾風卷溟海萬里揚砂礫仰望不見天昏昏竟朝夕是
時軍兩進東拒復西敵一作蔽山張旗鼓間道潛鋒鏑
精騎突曉圍奇兵襲暗壁十月邊塞寒四山沒陰積雨

雪鴈南飛風塵景西迫昔我事討論未嘗怠經籍一朝
棄筆硯十年操矛戟豈要黃河誓須勒燕然石可嗟牧
羊臣海上久為客

送梁卿王郎中使東蕃弔冊

梁侯上卿秀王子中臺傑贈冊綏九夷旌旗下雙闕西
堂禮樂送南陌軒車別征路入海雲行舟沂江月茲邦
久欽化厯載歸朝謁皇心諒所嘉寄爾宣風烈

餞唐州高使君赴任

芳春桃李時京都

一作東

物華好為岳豈不貴所悲涉遠

道遠道不可思宿昔夢見之贈君雙佩刀日夕視來期

一作有

親期

冀北春望

一作崔液詩

迴首覽燕趙春生兩河間曠然萬里餘際海不見山雨歇青林潤煙空綠野閑問鄉何處所目送白雲還

景龍二年余自門下平章事削階授江州員外司馬尋拜襄州刺史春日赴襄陽途中言志

余本燕趙人秉心愚且直羣籍備所見孤貞每自飭徇
祿期代耕受任亦量力幸逢休明時朝野兩薦推一朝
趨金門十載奉瑤墀入掌遷固筆出參枚馬詞吏部既
三踐中書亦五期進無負鼎說退慙補袞詩常恐嬰悔
吝不得少酬私嗷嗷路傍子納謗紛無已上動明主疑
下貽大臣耻毫髮顧無累冰壺邈自持天道何期平幽
冤終見明始佐廬陵郡尋牧襄陽城彤幃荷新寵朱黻
蒙舊榮力薄慚任重恩深知命輕飭徒留前路行子悲

且慕猶聞長樂鐘尚辨青門樹慈親不忍訣昆弟默相
顧去去勿重陳川長日云暮

大漠行

一作胡
皓詩

單于犯薊塹騾騎略蕭邊南山木葉飛下地北海蓬根
亂上天科斗連營太原道魚麗合陣武威川三軍遙倚
仗萬里相馳逐旌旆悠悠靜瀚源鞞鼓喧喧動盧谷窮
徼上幽陵吁嗟倦寢興馬蹄凍溜石胡毳暖生冰雲沙
泱泱天光閉河塞陰沈海色凝崆峒異國誰能托蕭索

邊心常不樂近見行人畏白龍遙聞公主愁黃鶴陽春
半岐路間瑤臺苑玉門關百花芳樹紅將歇二月蘭皋
綠未還陣雲不散魚龍水雨雪猶飛鴻鴈山山嶂連綿
不可極路遠辛勤夢顏色北堂萱草不寄來東園桃李
長相憶漢將紛紜攻戰盈胡寇蕭條幽朔清韓君拜節
偏知遠鄭吉驅旌坐見迎火絕煙沈右西極谷靜山空
左北平但使將軍能百戰不須天子築長城

奉和登驪山高頂寓目應制

名山河壯哉玄覽一徘徊御路穿林轉旌門倚石開煙霞肘後發河塞掌中來不學蓬壺遠經年猶未迴

侍宴長寧公主東莊應制

沁園東郭外鸞駕一遊盤水榭宜時陟山樓向晚看席臨天女貴杯接近臣歡聖藻懸宸象微臣竊仰觀

奉和送金城公主適西蕃應制

懷戎前策備降女舊因修簫鼓辭家怨旌旃出塞愁尚孩中念切方遠御慈留

一作流

顧乏謀臣用仍勞聖主憂

幸白鹿觀應制

一作鄭
情詩

御旗探紫籙仙仗闢丹丘
捧藥芝童下焚香桂女留鸞
歌無歲月鶴語記春秋
臣朔真何幸常陪漢武遊

幸梨園亭觀打球應制

一作梨園亭
于侍宴應制

年光陌上發香輦
禁中遊草綠鴛鴦
殿花明翡翠樓寶

一作
天

杯承露酌仙管
雜風流今日陪歡豫
皇恩不可酬

慈恩寺九日應制

帝里重陽節香園萬乘來
却邪萸結佩獻壽菊傳杯
塔

類承天湧門疑待佛開睿詞懸日月長得仰昭回

折楊柳

二月風光半三邊戍不還年華妾自惜楊柳為君攀落

絮縈

一作緣

衫袖垂條拂髻鬟那堪音信斷流涕望陽關

邊愁

九月蓬根斷三邊草葉腓風塵馬變色霜雪劍生衣客
思愁陰晚邊書驛騎歸殷勤鳳樓上還袂及春暉

姁好怨

不分君恩斷新妝
視鏡中容華尚一作向
春日嬌愛已一作

似

秋風枕席臨窗

一作燈

曉帷屏

一作帷
一作屏
一作帳

向月空年年

後庭樹榮落在深宮

酬杜麟臺春思

春還上林苑
花滿洛陽城
鴛衾夜凝思
龍鏡曉含情
憶夢殘燈落
離魂暗馬驚
可憐朝與暮
樓上獨盈盈

寄天台司馬先生

聞有三元客
祈仙九轉成
人間白雲返
天上赤龍迎
尚

惜金芝晚仍攀琪樹榮何年緱嶺上一謝洛陽城

唐都尉山池

曲渚颺輕舟前谿釣晚流鴈翻蒲葉起魚撥荇花遊金
子懸湘袖珠房折海榴幽尋惜未已清月半西樓

江樓夕望

試陟江樓望悠悠去國情楚山霞外斷漢水月中平公
子留遺邑夫人有舊城蒼蒼煙霧裏何處是咸京

襄城即事

一作江樓有懷

子牟懷魏闕元凱滯襄城冠蓋仍為里池臺尚識名山
光晴後綠江色晚來清為問東流水何時到玉京

秦州薛都督挽詞

十里絳山幽千年汾水流碑傳門客見劔是故人留隴
樹煙含夕山門月照秋古來鐘鼎盛共盡一萬丘

奉和春日幸望春宮

一作立春內
出綵花應制

澹蕩春光滿曉空逍遙御輦入離宮山河眺望雲天外
臺榭參差煙霧中庭際花飛錦繡合枝間鳥囀一作管

弦同即此歡娛齊鎬宴唯應率舞

一作土

樂薰風

奉和幸韋嗣立山莊侍宴應制

丞相登前府尚書啟舊林式閭明主睿

一作意

榮族聖嬪

心川狹旌門抵巖高蔽帳臨閑窗憑柳暗小徑入松深
雲卷千峰色泉和萬籟吟蘭迎天女佩竹礙侍臣簪宸
翰三光燭朝榮四海欽還嗟絕機叟白首漢川陰

同李員外春閨

一作園

落日啼連夜孤燈坐徹明捲簾雙燕入披幌百花驚隴

上寒應晚閨中織未成管弦愁不意一作記梳洗懶無情

去歲聞西伐今年送北征容顏離別盡流恨滿長城

襄陽早秋寄岑侍郎

江城秋氣早旭旦坐南闌落葉驚衰鬢清霜換旅衣時
來矜早達事往覺前非體道徒推理防身終昧微故人
金華省肅穆秉天機誰念江漢廣蹉跎心事違

贈蘇少府赴任江南余時還京

丈夫不歎別達士自安卑攬泣固無趣銜杯空爾為流

雲春窈窕去水暮逶迤行舟忽東泛歸騎亦西馳秦地
多芳草江潭有桂枝誰言阻遐濶所貴在相知

登總持寺閣

宿雨清龍界晨暉滿鳳城升攀重閣迴憑覽四郊明井
邑周秦地山河今古情紆餘一水合寥落五陵平處處
風煙起欣欣草木榮故人不可見冠蓋滿東京

早春邊城懷歸

大漠羽書飛長城未解圍山川凌玉嶂旌節下金微路

向南庭遠書因北鴈稀鄉關搖別思風雪散戎衣歲盡
仍為客春還尚未歸明年征騎返歌舞及芳菲

至桃林塞作

去國未千里離家已再旬丹心恒戀闕白首更辭親懷
璧常貽訓捐金詎得鄰抱冤非忤物罹謗豈由人不濫
辭終辨無瑕理竟伸黻還中省舊符與外臺新塞上同
遷客江潭異逐臣淚垂非屬峴腸斷固由秦歲月行邁
盡山川難重陳始知亭伯去還是拙謀身

襄陽作

廟堂初解印，郡邸忽腰章。
按節巡河右，鳴騶入漢陽。
城臨南峴出，樹繞北津長。
好學風猶扇，誇才俗未忘。
江山跨七澤，煙雨接三湘。
蛟浦菱荷淨，漁舟橘柚香。
醉中求習氏，夢裏憶襄王。
宅壞仍思鳳，碑存更憶羊。
下車慙政美，閉閣幸時康。
多謝南征術，于今尚不亡。

喜入長安

雲日能催曉，風光不惜年。
賴逢征客

一作路

盡歸在落花前

奉和幸韋嗣立山莊應制

竹徑桃源本出塵
松軒茅棟別驚新
御蹕何須林下駐
山公不是俗中人

崔液

崔液字潤甫湜之弟工五言詩擢進士第一人湜常呼其小字曰海子我家龜龍也官至殿中侍御史友人裴耀卿纂其遺文為集十卷今存詩十二首

踏歌詞二首

綵女迎金屋仙姬出畫堂
鴛鴦裁錦袖翡翠貼花黃
歌響舞分行豔色動流光

庭際花微落樓前漢已橫
金臺催夜盡羅袖拂一作舞寒

輕樂笑暢歡情未半著天明

代春閨

江南日暖鴻始來柳條初碧葉半開
玉關遙遙戍未迴
金閨日夕生綠苔
寂寂春花煙色暮
簷燕雙雙落花度
青樓明鏡晝無光
紅帳羅衣徒自香
妾恨十年長獨守

君情

一作
憐

萬里在漁陽

上元夜六首

一作夜
遊詩

玉漏銀

一作
銅

壺且莫催鐵關金鎖徹
明開誰家見月能

閑坐何處聞

一作
逢

燈不看來

神燈佛火百輪張
刻像圖形七寶裝
影裏如聞

一作
聞

金

口說空中似散

一作
放

玉毫光

今年春色勝常年
此夜風光最可憐
鳩鵲樓前新月滿
鳳皇臺上寶鐙燃

金勒銀鞍控紫騮
玉輪珠幘駕青牛
驂驪始散東城曲
倏忽還來南陌頭

公子王孫意氣驕
不論相識也相邀
最憐長袖風前弱
更賞新弦暗裏調

星移漢轉月將微
露灑煙飄燈漸稀
猶惜路一作道傍歌
舞處躊躇相顧不能歸

冀北春望

一作崔
湜詩

回首覽燕趙
春生兩河間
曠然餘萬里
際海不見山
雨

歇青林潤煙空綠野閑問鄉無處所目送白雲關

擬古神女宛轉歌二首

一作郎
大家詩

風已清月朗琴復明掩抑悲千態殷勤是一聲歌宛轉

宛轉和更

一作
且

長願為雙鴻鵠北翼共翱翔

日已暮長簷烏應度此時望君君不來此時思君君不
顧歌宛轉宛轉那能異棲宿願為形與影出入恒相逐

崔滌

崔滌液之弟多辯智善諧謔明皇素與款密用為秘書

監出入禁中後賜名澄從東封加金紫光祿大夫存詩
一首

望韓公堆

韓公堆上望秦川渺渺關山西接連孤客一身千里外
未知歸日是何年

欽定四庫全書薈要卷一萬七千四百六十

集部

御定全唐詩卷五十五

王勃

王勃字子安絳州龍門人文中子通之孫六歲善文辭
未冠應舉及第授朝散郎數獻頌闕下沛王聞其名召
署府修撰是時諸王鬪雞勃戲為文檄英王雞高宗斥
之勃既廢客劍南久之補虢州參軍坐事復除名勃父
福時坐勃故左遷交趾令勃往交趾省父渡海溺水悸

而卒年二十八勃好讀書屬文初不精思先磨墨數升引被覆面而卧忽起書之不易一字時人謂之腹藁與楊炯盧照隣駱賓王皆以文章齊名天下稱王楊盧駱號四傑勃有集三十卷今編詩二卷

倬彼我系

倬彼我系舍弟虢州參軍勃所作也傷迫乎家貧道未成而受祿不得如古之君子四十強而仕也故本其情性原其事業因陳先人之迹以議出處

致天爵之艱難也

勃兄
勅序

俾彼我系出自有周分疆錫社派別支流居衛仕宋臣

一作
嬴相劉廼武廼文或公或侯

晉歷崩坼衣冠擾擊粵自太原播祖江滌禮喪賢隱時

屯道閉王室如燬生人多殪

伊我有器思逢其主自東施一作旋西擇木開宇田彼河

曲家乎汾浦天未厭亂吾將誰輔

伊我祖德思濟九埏不常厥所于茲五遷欲及時也夫

豈願焉其位雖屈其言則傳

爰述帝制大蒐王道曰天曰人是祖是考禮樂咸若詩書具草貽厥孫謀永為家寶

伊余小子信慙明哲彼網有條彼車有轍思屏人事克終前烈于嗟代網卒余來綫

來綫伊何謂余曰仕我瞻先達三十方起夫豈不懷高山仰止願言毓德啜菽飲水

有鳥反哺其聲嗷嗷言念舊德憂心忉忉今我不養歲

月其滔僂俛從役豈敢告勞

從役伊何薄求卑位告勞伊何來
叅卿事名存實瘁負
信愆義靜言遐思中心是愧

上巳浮江宴韻得趾字

披觀玉京路駐賞金臺趾逸興懷
九仙良辰傾四美松
唵白雲際桂馥青溪裏別有江海

一作漢

心日暮情何已

春日宴樂遊園賦韻得接字

帝里寒光盡神臯春望浹梅郊
落晚英柳甸驚初葉流

水抽奇美崩雲灑芳牒清尊湛不空暫喜平生接

山亭夜宴

桂宇幽襟積山亭

一作松臺

涼夜永森沈野徑寒肅穆巖扉

靜竹晦南汀

一作阿

色荷翻北潭影清興殊未闌林端照

初景

詠風

肅肅涼景

一作

生加我林壑清驅煙尋

一作

礧戶卷霧

一作

出山楹去來固無跡

一作

動息如有情日落山水

靜為君起松聲

懷仙

并序

客有自幽山來者起予以林壑之事而煙霞在焉

思解纓紱永詠山水

一作林

神與道超跡為形滯故

書其事焉

鶴岑有奇徑麟洲富仙家紫泉漱珠液玄巖列丹葩常

希

一作若

披塵網眇然登雲車驚情極霄漢鳳想疲煙霞

道存蓬瀛近意愜朝市賒無為坐惆悵虛此江上華

忽夢遊仙

僕本江上客牽跡在方內寤寐霄漢間居然有靈對翁
爾登霞首依然躡雲背電策驅龍光煙途儼鸞態乘月
披金帔連星解瓊珮浮識俄易歸真遊邈難一作魂莫再家
廓沈遐想周遑奉遺誨流俗非我鄉何當釋塵昧

雜曲

智瓊神女來訪文君蛾眉始約羅袖初薰歌齊曲韻舞
亂行紛若向陽臺薦枕何啻得勝朝雲

秋夜長

秋夜長殊未央月明白露澄清光層城綺閣遙相望遙
相望川無梁北風受節南雁翔崇蘭委質時菊芳鳴環

曳履

一作佩

出長廊為君秋夜擣衣裳織羅對鳳皇丹綺

雙鴛鴦調砧亂杵思自傷思自傷征夫萬里戍他鄉鶴
關音信斷龍門道路長君一作所在天一方寒衣徒自香

採蓮曲

樂府作採蓮歸

採蓮歸綠水芙蓉衣秋風起浪鳧雁飛桂櫂蘭橈下長

浦羅裙玉腕輕搖櫓葉嶼花潭極望平江謳越吹相思

苦相思苦佳期不可駐塞外征夫猶未還江南採蓮今

已暮今已暮採樂府詩作摘蓮花渠一作今渠那必盡娼家官

道城南把桑葉何如江上採蓮花蓮花復蓮花花葉何

稠一作重疊葉翠本羞眉花紅強如頰佳人不在茲一作茲期

悵望別離時牽花憐共蒂折藕愛連絲故情無一作何處

所新物從一作徒華滋不惜西一作南津交佩解還羞北海

雁書遲採蓮歌有節採蓮夜未歇正逢浩蕩江上風又

值襄回

樂府詩集無襄回二字

江上月襄回蓮浦夜相逢吳姬越

女何丰茸共問寒江

一作光

千里外征客關山路

一作更

幾

重

臨高臺

臨高臺高臺迢遞絕浮埃瑤軒綺構何崔嵬驚歌鳳吹

清且哀俯瞰長安道萋萋御溝草斜對甘泉路蒼蒼茂

陵樹高臺四望同帝鄉

一本無此二字

佳氣鬱蔥蔥紫閣丹樓

紛照耀壁房錦殿相玲瓏東彌長樂觀西指未央宮赤

城映朝日綠樹搖春風旗亭百隧開新市甲第千甍分
戚里朱輪翠蓋不勝春疊榭層楹相對起復有青樓大

道中繡戶文窗雕綺櫳錦衾夜

一作畫

不裊羅帷畫

一作夕

未空歌屏朝揜翠妝鏡晚窺紅為君

一作吾

安寶髻蛾眉

罷花叢塵間狹路

一作狹路塵間

黯將暮雲間

一作開

月色明如

素鴛鴦池上兩兩飛鳳凰樓下雙雙度物色正如此佳

期那不顧銀鞍繡轂盛繁華可憐今夜宿娼家娼家少
婦不須顰東園桃李片時春君看舊日高臺處栢梁銅

崔生

一作尚

黃塵


滕王閣

滕王高閣臨江渚，珮玉鳴鸞罷歌舞。
畫棟朝飛南浦雲，珠簾暮捲西山雨。
閒雲潭影日悠悠，物換星移幾度秋。
閣中帝子今何在，檻外長江空自流。


江南弄

江南弄巫山連，楚夢行雨行雲幾相送。
瑤軒金谷上春時，玉童仙女無見期。
紫露一作霧香煙渺，難託清風明月。

遙相思遙相思草徒綠為聽雙飛鳳凰曲



御定全唐詩卷五十五



總校官庶吉士臣張能照

校對官檢討臣龔大萬

騰錄監生臣黃捷三

騰錄監生臣張元輯

欽定四庫全書薈要

集部

御定全唐詩卷

五十六至
六十

詳校官候補通政司經歷臣郭祚熾



欽定四庫全書薈要卷一萬七千四百六十一

其部

御定全唐詩卷五十六

王勃

聖泉宴

披襟乘石磴列籍

一作席

俯春泉蘭氣熏山酌松聲韻野

弦影飄垂葉外香度落花前興洽林塘晚重巖起夕煙

尋道觀

其觀即昌利觀
張天師居也

芝

一作枝

塵光分野蓬闕盛規模碧壇清桂闕

一作影

丹洞

肅松樞玉笈三山記金箱五嶽圖蒼虬不可得

一作見

空

望白雲衢

散關晨度

關山凌旦開石路無塵埃白馬高譚去青牛真氣來
重門臨巨壑連棟起崇隈即今揚策度非是棄繻回

別薛華

英華作秋日
別薛升華

送送多窮路遑遑獨問津悲涼千里道悽斷百年身心
事同漂泊生涯共苦辛無論去與住俱是夢中人

重別薛華

一作重別薛升華

明月沈珠浦，秋風濯錦川。
樓臺臨絕岸，洲渚亘長天。
旅

一作飄

泊成千里棲遑

一作遊

共百年窮途，唯有淚還望。獨

潜然

遊梵宇三覺寺

杏

一作香

閣披青磴，瑠臺控紫岑。
葉齊山路狹

一作徑密

花積

野壇深蘿幌，禩影松門聽

一作引

梵音遽忻陪妙躅，延

賞

一作想

滌煩襟

麻平晚行

百年懷土望千里倦遊情高低尋戍道遠近聽泉聲
磧葉纔分色山花不辨名羈心何處盡風急暮猿清

送盧主簿

窮途非所恨虛室自相依城闕居年滿琴尊俗事稀
開襟方未已分袂忽多違東巖富松竹歲暮幸同歸

餞韋兵曹

征驂臨野次別袂憐江垂川霽浮煙斂山明落照移
鷹

風凋晚葉蟬露泣

一作泣

秋枝亭臯分遠望
延想間雲涯

白下驛餞唐少府

下驛窮交日昌亭旅食年
相知何用早懷抱即依然
浦樓低晚照鄉路隔風煙
去去如何道長安在日邊

杜少府之任蜀州

一作川

城闕輔三

一作俯西

秦風煙望五津與君離別意同

一作俱

是

宦遊人海內存知己
天涯若比隣無為在岐路
兒女共

霑巾

仲春郊外

東園垂柳徑西堰落花津物色連三月風光絕

一作統

四

隣鳥飛村覺曙魚戲水知春初晴山院裏何處染鶯塵

郊興

空園歌獨酌春日賦閒居澤蘭侵小徑河柳覆長渠
去花光濕風歸葉影疎山人不惜醉唯畏綠尊虛

郊園即事

煙霞春日

一作早

賞松竹故年心斷山疑畫障縣溜瀉鳴

琴草徧南亭合花開

一作濃

北院深閒居饒酒賦隨興欲

抽簪

觀佛跡寺

蓮座神容儼

一作從

松崖聖趾

一作跡

餘年長金跡淺地久

石文

一作芝

疎顏華臨曲磴傾影赴前除共嗟

一作悲

陵谷

遠俄視化城

一作成

虛

山居晚眺贈王道士

金壇疎俗宇玉洞侶僊羣花枝棲晚露

一作霧

峰葉度晴

雲斜

一作落

照移山影回沙擁籬

一作溜

文琴尊方待興竹

樹已迎曛

八仙逕

寺南又有昌利觀去寺可數里巖逕窈窕窅窅而後進

柰園欣八正松巖訪九仙

一作桂援蘿窺霧術攀林

烟

一作阡

代

一作岱

北鷲驂至遼西鶴騎旋終希脫塵網連

翼下芝田

春日還郊

閒情兼嘿語

一作嘿

攜杖赴巖泉草綠縈新帶榆青綴古

錢魚牀侵岼水鳥路入山煙還題平子賦花樹滿春田
對酒春園作

投簪下山閣攜酒對河梁狹水牽長鏡高花送斷香繁
鶯歌似曲疎蝶舞成行自然催一醉非但閱年光

觀內懷仙

玉架殘書隱金壇舊跡

一作路

迷牽花尋紫澗

一作洞

步葉

下清谿瓊漿猶類乳石髓尚如泥自能成羽翼何必仰

一作俟
雲梯

秋日別王長史

別路餘

一作長

千里深恩重百年正悲西候日更動北梁

一作京

篇野色籠寒霧山光歛暮煙終知難再奉懷德自

潛然

上巳浮江宴韻得遙字

上巳年光促中川興緒遙綠齊山葉滿紅洩片花

一作岸芝

銷泉聲喧後澗虹影照前橋遽悲春望遠江路積波潮

長柳

晨征犯煙磴夕憩在雲關晚風清近壑新月照澄灣郊
童樵唱返津叟釣歌還客行無與晤

一作
舊識

賴此釋愁顏

銅雀妓二首

金鳳隣銅雀漳河望鄴城君王無處所臺榭若平生舞

席

一作
筵

紛何

一作
可

就歌梁儼未傾西陵松檟冷誰見綺

羅情

妾本深宮妓層城閉九重君王歡愛盡歌舞為誰容錦
衾不復襞羅衣誰再縫高臺西北望流涕向青松

羈遊餞別

客心懸隴路遊子倦

一作倦

江干槿豐

一作濃

朝砌靜篠密

夜窗寒琴聲銷別恨風景駐離歡寧覺山川遠悠悠旅
思難

易陽早發

飭裝侵曉月奔策候殘星危閣尋丹障回梁屬翠屏雲
間迷樹影霧裡失峰形復此涼

一作商

颺至空山飛夜螢

焦岸早行和陸四

侵星違旅館，乘月戒征儔。
複嶂迷晴色，虛巖辨暗一作岸

流猿吟山漏，曉螢散野風。
秋故人渺何際，鄉關雲霧浮。

深灣夜宿

主人依山帶江

津塗臨巨壑，村宇架危岑。
堰絕灘聲隱，風交樹影深。
江童暮理楫，山女夜調砧。
此時故鄉遠，寧知遊子心。

傷喪錄事喪子

蘭堦霜候早，松露窈一作夜臺深。
魄散珠胎沒，芳銷玉樹

沈露文晞宿，草煙照慄平。
林芝焚一作焚芝空歎息，流恨滿

金五十四卷五十六
簞金

泥谿

弭權凌奔壑低鞭躡峻岐江濤出岸險峰磴入雲危溜
急船文亂巖斜騎影移水煙籠翠渚山照落丹崖風生

蘋浦葉露泣

一作注

竹潭枝泛水雖云美勞歌誰復知

三月曲水宴得煙字

彭澤官初去河陽賦始傳田園歸舊國詩酒間長筵列
室窺丹洞分樓瞰紫煙縈回亘津渡出沒控郊鄗鳳琴

調上客龍轡儼羣仙
松石偏宜古藤蘿
不記年重簷交
密樹複磴擁危泉
抗石晞南嶺
乘沙眇北川
傳巖來築
處磻谿入釣
前日斜真趣
遠幽思
夢涼蟬

秋日仙遊觀贈道士

一作駱賓王
詩無首四句

石圖分帝宇
銀牒洞靈宮
回丹縈岫室
複翠上巖櫳
霧
濃金竈靜
雲暗玉壇空
野花常捧露
山葉自吟風
林泉
明月在詩酒
故人同待余
逢石髓
從爾命飛鴻

晚留

一作
尾

鳳州

寶雞辭舊役仙鳳歷遺墟去此近城闕青山明月初

羈春

客心千里倦春事一朝歸還傷北園裏重見落花飛

林塘懷友

芳屏畫春草仙杼織朝霞何如山水路對面即飛花

山扉夜坐

抱琴開野室攜酒對情人林塘花月下

一作夜

別似

一作是

一家春

春莊

山中蘭葉徑城外李桃園豈知人事靜不覺鳥聲喧

春遊

客念紛無極春淚倍成行今朝花樹下不覺戀年光

春園

山泉兩處晚花柳一園春還持千日醉共作百年人

林泉獨飲

丘壑經塗賞花柳遇時春相逢今

一作

不醉物色自輕

人

登城春望

物外山川近晴初景霽新芳郊花柳遍何處不宜春

他鄉叙興

綴葉歸煙晚乘花落照春邊城琴酒處俱是越鄉人

夜興

野煙含夕渚山月照秋林還將中散興來偶步兵琴

臨江二首

泛泛東流水飛飛北上塵歸驂將別權俱是倦遊人
去驂嘶別路歸權隱寒洲江臯木葉下應想故城秋

江亭夜月送別二首

江送巴南水山橫塞北雲津亭秋月夜誰見泣離羣
亂煙籠碧砌飛月向南端寂寂離亭掩江山此夜寒

別人四首

久客逢餘閏他鄉別故人自然堪下淚誰忍望征塵
江上風煙積山幽雲霧多送君南浦外還望將如何

桂軺雖不駐蘭筵幸未開林塘風月賞還待故人來
霜華浮天未霧色籠江際客子常畏人何為久留滯

贈李十四四首

野客思茅宇山人愛竹林琴尊唯待處風月自相尋
小徑偏宜草空庭不厭花平生詩與酒自得會仙家
亂竹開三徑飛花滿四鄰從來揚子宅別有尚玄人
風筵調桂軺月徑引藤杯直當花院裏書齋望曉開

早春野望

江曠春潮白山長曉岫青他鄉臨眺一作極花柳暎邊亭

山中

長江悲已滯萬里念將歸况屬高風晚山山黃葉飛
冬郊行望

桂密巖花白梨疎林葉紅江臯寒望盡歸念斷征蓬
寒夜思友三首

久別侵懷抱他鄉變容色月下調鳴琴相思此何極

雲間征思斷月下歸愁切鴻雁西南飛如何故人別
朝朝翠山下夜夜蒼江曲復此遙相思清尊湛芳綠

始平晚一作曉息

觀闕長安近江山蜀路

一作道

賒客行朝復夕無處是鄉

家

扶風晝屈離京浸遠

帝里金莖去扶風石柱來山川殊未已行路方悠哉

普安建陰題壁

江漢深無極，梁岷不可攀。
山川雲霧裏，遊子幾時還。

九日

九日重陽節，開門有菊花。
不知來送酒，若箇是陶家。

秋江送別二首

早是他鄉值早秋，江亭明月帶江流。
已覺逝川傷別念，復看津樹隱離舟。

歸舟歸騎儼成行，江南江北互相望。
誰謂波瀾纔一水，已覺山川是兩鄉。

蜀中九日

紀事作和邵大震一作蜀中九日登玄武山旅眺

九月九日望鄉臺他席他鄉送客杯人情

一作今

已厭南

中苦鴻

一作鳴

雁那從北地來

寒夜懷友雜體二首

北山煙霧始茫茫南津霜月正蒼蒼秋深客思紛無已
復值征鴻中夜起

復閣重樓向浦開秋風明月度江來故人故情懷故宴
相望相思不相見

落花落

以下詩
集不載

落花落落花紛漠漠綠葉青跼映丹夢與君襄回上金
閣影拂粧階玳瑁筵香飄舞館茱萸幙落花飛撩亂入
中帷落花春正滿春人歸不歸落花度氛氳遶高樹落
花春已繁春人春不顧綺閣青臺靜且閒羅袂紅巾復
往還盛年不再得高枝難重攀試復旦遊落花裏暮宿

落花間與君落花院臺上起雙鬟

一作
環

九日懷封元寂

九日郊原望平野
遍霜威蘭氣添
新酌花香染別衣
九秋良會少千里
故人稀今日龍山
外當憶雁書歸

出境遊山二首

一本作題玄
武山道居廟

源水終無路山阿若有人
驅羊先動石走兔欲投巾
洞晚秋泉冷巖朝古樹新
峰斜連鳥翅磴疊上魚鱗
化鶴千齡早元龜六代春
浮雲今可駕滄海自成塵

振翮凌霜吹正月

一作
企日

佇天濶回鑣凌翠壑
飛軫控青

岑巖深靈竈沒澗毀石渠沈
宮闕雲間近江山物外臨

玉壇棲暮夜珠洞結秋陰蕭蕭離俗影擾擾望鄉心誰
意山遊好屢傷人事侵

河陽橋代竇郎中佳人荅楊中舍

披風聽鳥長河路臨津織女遙相妬判知秋夕帶啼還
那及春朝攜手度

王勔

王勔勃之兄也累官涇州刺史詩一首

晦日宴高氏林亭同用華字

上序披林館中京視物華竹窗低露葉梅逕起風景
落春臺霧池侵舊渚沙綺筵歌吹晚暮雨泛香車

御定全唐詩卷五十六

欽定四庫全書舊唐書卷一萬七千四百六十二

嘉祐

御定全唐詩卷五十七

李嶠

李嶠字巨山趙州贊皇人兒時夢人遺雙筆由是有文
辭弱冠擢進士第始調安定尉舉制策甲科武后時官
鳳閣舍人每有大手筆皆特命嶠為之累遷鸞臺侍郎
知政事封趙國公景龍中以特進守兵部尚書同中書
門下三品睿宗立出刺懷州明皇貶為滁州別駕改廬

州嶠富於才思初與王楊接踵中與崔蘇齊名晚諸人
沒獨為文章宿老一時學者取法焉集五十卷今編詩
五卷

奉教追赴九成宮途中口號

委質承仙翰祇命遙遙策事偶從梁遊人非背淮客長
驅歷川阜迴眺窮原澤鬱鬱桑柘繁油油禾黍積雨餘
林氣靜日下山光夕未攀叢桂巖猶倦飄蓬陌行當奉
麾蓋慰此勞行役

秋山望月酬李騎曹

愁客坐山隈，懷抱自悠哉。
況復高秋夕，明月正裴回。
亭出迴岫皎皎映，層臺色帶銀河滿。
光含玉露開，淡雲籠影度虛暈。
抱輪回谷邃，涼蔭靜山空。
夜響哀寒催，數雁過風送一螢來。
獨軫離居恨，遙想故人杯。

和同府李祭酒休沐田居

列位簪纓序，隱居林野躅。
徇物爽全直，棲真昧均俗。
若人兼吏隱，率性夷榮辱。
地藉朱邱基，家在青山足。
暫弭

西園蓋言事東臯粟築室俯澗濱開扉面巖曲庭幽引
夕霧簷迴通晨旭迎秋谷黍黃含露園葵綠勝情狎蘭
杜雅韻鏘金玉伊我懷丘園願心從所欲

扈從還洛呈侍從羣官

四海帝王家兩都周

一作姬

漢室觀風昔來幸御氣今旋

蹕雷奮六合開天行萬乘出玄冥奉時駕白拒參戎律
後隊咽笳蕭前驅嚴罕畢輝光射東井禁令橫西秩帳
殿別陽秋旌門臨甲乙將交洛城雨稍遠長安日邛鞮

雲外來咸秦霧中失孟冬霜霰下是月農功畢天道向
歸餘皇情美陰騭行存名嶽禮遞問高年疾祝烏既開
羅調人更張瑟登原采謳誦俯谷求才術邑宰懸磬貧
山無挂瓢逸施一作垂思浹寰宇展義該文質德澤盛軒

遊哀矜深禹恤申歌地廬駭獻壽衢尊溢瑞色抱亂氲
寒光變蕭颺宗枝旦爽輔侍從王劉匹竝輯蛟龍書同
簪鳳皇筆陶甄荷吹萬頌歎歸明一歡輿道路長顧隨

談笑密叨承廊廟選

一作舉

謬齒夔龍弼喜構大厦成慙

非棟隆吉

奉使築朔方六州城率爾而作

奉詔受邊服總徒築朔方驅彼犬羊族正此戎夏疆
子來多悅豫王事寧息遑三旬無愆期百雉鬱相望
雄視沙漠垂有截北海陽二庭已頓顙五嶺盡來王
驅車登崇墉顧眄凌大荒千里何蕭條草木自悲涼
憑軾訊古今慨焉感興亡漢障緣河遠秦城入海長
顧無廟堂策貽此中夏歿道隱前業哀運開今化昌
制為百王式舉

合千載防馬牛被路隅鋒鏑銷戰場豈不懷賢勞所圖
在永康王事何為者稱代陳頌章

早發苦竹館

合沓巖嶂深朦朧煙霧曉荒阡下樵客野猿驚山鳥聞
門聽潺湲入徑尋窈窕棲鸕抱寒木流螢飛暗篠早霞
稍霏霏殘月猶皎皎行看遠星稀漸覺遊氛少我行撫
輶傳兼得傍林沼貪玩水石奇不知川路渺徒憐
野心曠詎惻浮年小方解寵辱情永託累塵表

慚一作

安輯嶺表事平罷歸

雲端想京縣帝鄉如可見天涯望越臺海路幾悠哉六
月飛鵬去三年瑞雉來境遙銅柱出山險石門開自我
違瀍洛瞻途屢揮霍朝朝寒露多夜夜征衣薄白簡承
朝憲朱方撫夷落既弘天覆廣且諭皇恩博皇恩溢外
區憬俗詠來蘇聲朔臣天子壇場拜老夫絳宮韜將略
黃石寢兵符返旆收龍虎空營集鳥鳥日落澄氛靄憑
高視襟帶東甌抗於越南斗臨吳會春色遶邊陲飛花

出荒外卉服紛如積長川思遊客風生丹桂晚雲起蒼
梧夕去舳艫清江歸軒趨紫陌衣裳會百蠻珠書安重
關不學金刀使空持寶劍還

鷓鴣

一作韋
應物詩

可憐鷓鴣飛飛向樹南枝南枝日照暖北枝霜露滋
滋不堪棲使我常夜啼願逢雲中鶴銜我向寥廓願作
城上鳥一年生九雛何不舊巢住枝弱不得去何意道
苦辛客子常畏人

清明日龍門遊泛

晴曉國門通都門藹將發紛紛洛陽道南望伊川闕行
漾乘和風清明送芬月林窺二山動水見千龕越羅袂
罨楊絲香橈犯苔髮羣心行樂未唯恐流芳歇

雲

大梁白雲起氤氳殊未歇錦文觸石來蓋影凌天發煙
煇萬年樹掩映三秋月會入大風歌從龍赴圓一作闕

擬古東飛伯勞西飛燕

一本題作東
飛伯勞歌

傳書青鳥迎簫鳳巫嶺荆臺數通夢誰家窈窕住園樓

五馬千金照陌頭羅裙

一作裙

玉珮當軒出點翠施紅競

春日佳人二八盛舞歌羞將百萬呈雙蛾庭前芳樹朝

夕改空駐妍

一作年

華欲誰待

寶劍篇

吳山開越溪澗三金合冶成寶鏐淬綠水鑿紅雲五采
焰起光氤氳背上銘為萬年字胸前點作七星文龜甲

參差白虹

一作地

色輓輻宛轉黃金飾駭

一作文

犀中斷寧

方利駿馬羣駢

一作駢驅

未擬直風霜凜凜匣上清精氣遙

遙斗間明避災朝穿晉帝屋逃亂夜入楚王城一朝運

偶逢大仙虎吼龍鳴騰上天東皇提昇紫微座西皇

一作

王佩下赤城田承平久息干戈事僥倖得充文武備除
災辟患宜君王益壽延齡後天地

汾陰行

君不見昔日西京全盛時汾陰后土親祭祠齋宮宿寢
設儲供撞鐘鳴鼓樹羽旂漢家五葉

一作四世

才且雄賓延

萬靈朝九戎栢梁賦詩高宴罷詔書法駕幸河東河東
太守親掃除奉迎至尊導鑾輿五營夾道列容衛三河
縱觀空里閭回旌駐蹕降靈場焚香奠醑邀百祥金鼎
發色正焜煌靈祇煒煜攄景光埋玉陳牲禮神畢舉麾
上馬乘輿出彼汾之曲嘉可遊木蘭為楫桂為舟櫂歌
微吟綵鷁浮簫鼓哀鳴白雲秋歡娛宴洽賜羣后家家
復除戶牛酒聲明動天樂無有千秋萬歲南山壽自從
天子向秦關玉輦金車不復還珠簾羽扇

一作帳

一作蓋
長寂

寔鼎湖龍髯安可

一作何處

攀千齡人事一朝空四海為家

此路窮豪雄意氣今何在壇場宮館

一作觀

盡蒿蓬路逢

故

一作古

老長歎息世事回環

一作還

不可測昔時青樓對

歌舞今日黃埃聚荆棘山川滿目淚沾衣富貴榮華能

幾時不見秭

一作即

今汾水上唯有年年秋雁飛

明皇傳信記云

上將幸蜀登花萼樓使樓前善水調者登而歌至山川滿目云云上顧侍者曰誰為此曰宰相李嶠詞也因凄然涕下遽起曰嶠真才子也不待曲終而去

御定全唐詩卷五十七

欽定四庫全書薈要卷一萬七千四百六十三

集部

御定全唐詩卷五十八

李嶠

中宗降誕日長寧公主滿月侍宴應制

神龍見像日仙鳳養雛年大火乘

一作寶來

天正明珠對月

圓作新

一作祚延

金篋裏歌奏玉筐

一作箱

前今日宜孫慶還

參祝壽

一作聖

篇

奉和送金城公主適西蕃應制

漢帝撫戎臣絲言命錦輪還將弄機女遠嫁織皮人曲
怨關山月妝消道路塵所嗟穠李樹空對小榆春

侍宴長寧公主東莊應制

紀事云長寧公主韋庶人所生降楊慎交

造第東都府財幾竭又取西京高士廉第左金吾衛廢營合為宅作三重樓築山浚池帝及后數臨幸置酒賦詩嶠等屬和即東莊也

別業臨青甸鳴鑿降紫霄長筵鸞鷲集仙管鳳皇調樹
接南山近煙含北渚遙承恩咸已醉戀賞未還鑣

立春日侍宴內殿出剪綵花應制

早一作幸

聞年欲至剪綵學芳辰綴綠

一作綺

奇能似裁紅

巧逼

一作過

真花從篋裏發葉向手中春不與時

一作韶

光

競何名天上人

奉和人日清暉閣宴羣臣遇雪應制

三陽偏勝節七日最靈辰行慶傳芳蟻升高級綵人堦
前莫候月樓上雪驚春今日銜天造還疑上漢津

奉和春日遊苑喜雨應制

仙蹕九成

一作重

臺香筵萬壽杯一旬初降雨二月早聞

雷葉向朝隣密花含宿潤開幸承天澤豫無使日光催
春日侍宴幸芙蓉園應制

年光竹裏遍春色杏間遙煙氣籠青閣流文蕩畫橋飛
花隨蝶舞豔曲伴鶯嬌今日陪歡豫還疑陟紫霄

甘露

一作泉

殿侍宴應制

月宇臨丹地雲窗網碧紗御筵陳桂醕天酒酌榴花水
向浮橋直城連禁苑斜承恩恣歡賞歸路滿煙霞

奉和七夕兩儀殿會宴應制

靈匹三秋會仙期七夕過查來人泛海橋渡鵲填河帝
縷升銀閣天機罷玉梭誰言七襄詠重一作流入五弦歌

奉和九月九日登慈恩寺浮圖應制

瑞塔千尋起仙輿九日來萸房陳寶席菊榮散花臺御
氣鵬霄近升高鳳野開天歌將梵樂空裏共裴回

閏九月九日幸總持寺登浮圖應制

閏節開重九真遊下大千花寒仍薦菊座晚更披蓮剎
鳳回雕輦帆虹間綵旃還將西梵曲助入南薰弦

奉和驪山高頂寓目應制

步輦陟山嶺山高入紫煙
忠臣還捧日聖后欲捫天
迴識平陵樹低看華嶽蓮
帝鄉應不遠空見白雲懸

遊禁苑陪幸臨渭亭遇雪應制

同雲接野煙飛雪暗長天
拂樹添梅色過樓助粉妍
光含班女扇韻入楚王弦
六出迎仙藻千箱荅瑞年

幸白鹿觀應制

駐蹕三天路回旃萬仞谿
真庭羣帝饗洞府百靈棲
玉

酒仙壚釀金方暗壁題佇看青鳥入還陟紫雲梯

送沙門弘景道俊立契還荊州應制

一作宋之問詩

三乘歸淨域萬騎餞通莊就日離亭近彌天別路長荆
南旋杖鉞渭北限津梁何日紆真果還來入帝鄉

酬

一作和

杜五弟晴朝獨坐見贈

平明坐虛館曠望幾悠哉宿霧分空盡朝光度隙來影
低藤架密香動藥闌開未展山陽會空留池上杯

同賦山居七夕

明月青山夜高天白露秋花庭開粉席雲岫敞針樓石
類支機影池似泛槎流暫驚河女鵲終狎野人鷗

送崔主簿赴滄州

紫陌追隨日青門相見時宦遊從此去離別幾年期芳
桂尊中酒幽蘭下調詞他鄉有明月千里照相思

寒食清明日早赴王門率成

遊客趨梁邸朝光入楚臺槐煙乘曉散榆火應春開日
帶晴虹上花隨早蝶來雄風乘令節餘吹拂輕灰

和周記室從駕曉發合璧宮

濯龍春苑曙翠鳳曉旗舒野色開煙後山光澹月餘風
長笳響咽川迴騎行疎珠履陪仙駕金聲振屬車

和杜侍御太清臺宿直旦有懷

貂冠朝彩振烏署曉光分欲嘯遷喬侶先飛擲地文庭
虛麥雨潤林靜蕙風薰嵇駕終難仰梁鳧且自羣

和杜學士江南初霽羈懷

大江開宿雨征櫂下春流霧卷晴山出風恬晚浪

一作漲

收岸花明水樹川鳥亂沙洲羈眺傷千里勞歌動四愁

此篇與馬周浮江旅思

詩後四句同而少異

晚景悵然簡二三子

楚客秋悲動梁臺夕望賒梧桐稍下葉山桂欲開花氣

引迎寒

一作風

露光收向晚霞長歌白水曲空對綠池華

送李邕

一作送李安邑

落日荒郊外風景正淒淒離人席上起征馬路傍嘶別
酒傾壺贈行書掩淚題殷勤御溝水從此各東西

又送別

岐路方為客，芳尊暫解顏。
人隨轉蓬去，春伴落梅還。
白雲度汾水，黃河遶晉關。
離心不可問，宿昔鬢成斑。

餞駱四二首

平生何以樂，斗酒夜相逢。
曲中驚別緒，醉裏失愁容。
星月懸秋漢，風霜入曙鐘。
明日臨溝水，青山幾萬重。

甲第驅車入，良宵秉燭遊。
人追竹林會，酒獻菊花秋。
霜吹飄無已，星河漫不流。
重嗟歡賞地，翻名別離憂。

春日遊苑喜雨應詔

園樓春正歸入苑弄芳菲
密雨迎僂步低雲拂御衣
危花霑易落度鳥濕難飛
膏澤登千庾歡情徧九圍

九日應制得歡字

令節三秋晚重陽九日歡
仙杯還泛菊寶饌且調蘭
御氣雲霄近乘高宇宙寬
今朝萬壽引宜向曲中彈

二月奉教作

柳陌鶯初嘯梅梁燕始歸
和風泛紫若柔露濯青薇
日

豔臨花影霞翻入浪暉
乘春重遊豫淹賞玩芳菲

三月奉教作

銀井桐花發金堂草色齊
韶光愛日宇淋氣滿風蹊
蝶影將花亂虹文向水低
芳春隨意晚佳賞日無睽

四月奉教作

暄籥三春謝炎鍾九夏初
潤浮梅雨夕涼散麥風餘
葉暗庭幃滿花殘院錦疎
勝情多賞託尊酒狎林蕪

五月奉教作

綠樹炎氛滿朱樓夏景長池含凍雨氣山映火雲光
院新櫻熟花庭曙槿芳欲逃三伏暑還泛十旬觴

六月奉教作

第四句缺三字第七句
缺一字第八句缺三字

養日暫衰回畏景尚悠哉避暑移琴席追涼

竹

風依扇動桂酒溢壺開勞餌 飛雪自可

八月奉教作

黃葉秋風起蒼葭曉露團鶴鳴初警候雁上欲凌寒月
鏡如開匣雲纓似綴冠清尊對曼序高宴有餘歡

九月奉教作

曲池朝下雁幽砌夕吟蛩
葉徑蘭芳盡花潭菊氣濃
寒催四序律霜度九秋鐘
還當明月夜飛蓋遠相從

十月奉教作

白藏初送節玄律始迎冬
林枯黃葉盡水耗綠池空
霜待臨庭月寒隨入牖
風別有歡娛地歌舞應絲桐

十一月奉教作

凝陰結暮序嚴氣肅長飈
霜犯狐裘夕寒侵獸火朝
冰

深遙架浦雪凍近封條平原已從獵日暮整還鑣

十二月奉教作

玉燭年行盡銅史漏猶長池冷凝宵凍庭寒積曙霜
蘭心未動色梅館欲含芳
裴回臨歲晚顧步佇春光

和麴典設扈從東郊憶弟使往安西冬至日恨

不得同申拜慶

第五句
缺一字

玉關方叱馭桂苑正陪輿桓嶺嗟分翼姜川限饋魚雪
花含晚雲葉帶荆舒重此西流詠彌傷南至初

馬武騎挽歌二首

五日皆休沐三泉獨不歸
池臺金闕是尊酒玳筵非
巷靜遊禽入門閒過客
稀唯餘昔年鳳尚繞故樓飛

昔下天津館嘗過帝子家
夜傾金屋酒春舞玉臺花
試馬依紅埒吹簫弄紫霞
誰言東郭路翻枉一作北門車

武三思挽歌

玉匣金為縷銀鈎石作銘
短歌傷薤曲長暮泣松局事
往昏朝霧人亡折夜星
忠賢良可惜圖畫入丹青

天官崔侍郎夫人吳氏挽歌

寵服當年盛芳魂此地窮劍飛龍匣在人去鵲巢空
簾愴孤生竹琴哀半死桐唯當青史上千載仰嬪風

御定全唐詩卷五十八

欽定四庫全書薈要卷一萬七千四百六十四

某部

御定全唐詩卷五十九

李嶠

日

旦出扶桑路遙升若木枝雲間五色滿霞際九光披東
陸蒼龍駕南郊赤羽馳傾心比葵藿朝夕奉光

一作曦
堯

月

桂滿三五夕
蟾開二八時
清輝飛鵲鑑
新影學

一作蛾

眉皎潔臨疎牖玲瓏鑿薄帷願言從愛客清夜幸同嬉

一作願陪北堂

宴長賦西園詩

星

蜀郡靈槎轉豐城寶劍

一作氣

新將軍臨北塞天子入西

秦未作三台輔寧為五老臣今宵潁川曲誰識聚賢人

風

落日生蘋末搖揚徧遠林帶花疑

一作迎

鳳舞向竹似龍

吟月動臨秋扇松清入夜琴若至蘭臺下

一作蘭臺宮殿峻

還

拂楚王襟

雲

英英大梁國郁郁秘書臺
碧落從龍起青山觸石來
官名光邃古蓋影耿輕埃
飛感高歌發威加四海回

煙

瑞氣凌青閣空濛上翠微
迴浮雙闕路遙拂九仙衣
桑柘迎寒色松篁暗晚暉
還當紫霄上時接彩鸞飛

露

滴瀝明花苑葳蕤泣竹叢玉垂丹棘上珠湛綠荷中夜
警千年鶴朝零七月風願凝仙掌內長奉未央宮

霧

曹公迷楚澤漢帝出平城涿鹿妖氛靜丹山霽色明類
煙飛稍重方雨散還輕倘入非熊兆寧思玄豹情

雨

西北雲膚起東南雨足來靈童出海見神女向臺

一作山

回斜影風前合圓文水上開十旬無破塊九土信康哉

雪

瑞雪驚千里同雲暗

一作從風下

九霄地疑明月夜山似白

雲朝

一作龍沙飛正遠玉馬地還銷

逐舞花光動臨歌扇影飄大周天

闕路今日海神朝

山

地鎮標神秀

一作山嶺鬱氤氳

峩峩上翠氛泉飛一道帶峰出

半天雲古鐸丹青色新花綺

一作錦

繡紋已開封禪所希

謁聖明君

石

宗子維城固將軍飲羽威巖花鑑裏發雲葉錦中飛入
宋星初隕過湘燕早歸倘因持補極寧復想一作支機

原

第五句
缺二字

王粲銷憂日江淹起恨年帶川遙綺錯分隰迴阡眠
橫周甸莓苔闕晉田方知急難響長在春令篇

野

鳳出秦郊迴鶉飛楚塞空蒼梧雲影去涿鹿霧光通草

暗少原綠花明入蜀紅誰言版築士猶處傅巖中

田

貢禹懷書日張衡作賦辰杏花開鳳軫芎葉布龍鱗瑞
麥兩岐秀嘉禾同穎新寧知帝王力擊壤自安貧

道

銅駝分鞏洛劍閣抵臨邛紫微三千里青樓十二重玉
關塵似雪金穴馬如龍今日中衢上堯尊更可逢

海

習坎疏丹壑朝宗合紫微三山巨鰲湧萬里

一作九萬

大鵬

飛樓寫春雲色珠含明月輝會因添霧露方逐衆川歸

江

日夕三江望靈潮萬里回霞津錦浪動月浦練花開
湍似黃牛去濤從白馬來英靈已傑出誰識卿雲才

河

第八句缺

源出崑崙中長波接漢空桃花來馬頰竹箭入龍宮
德水千年變榮光五色通若披蘭葉檢

洛

九洛韶光媚三川物候新花明丹鳳浦日映玉鷄津元
禮期仙客陳王覩麗人神龜方錫瑞綠字重來臻

城

四塞稱天府三河建洛都飛雲靄層闕白日麗南隅獨
下仙人鳳羣驚御史烏何辭一萬里邊徼捍匈奴

門

奕奕彤闈下煌煌紫禁隈阿房萬戶列閭闔九重開疏

廣遺榮去子公待駟來詎知金馬側方朔有奇才

市

闐闐開三市旗亭起百尋漸離初擊筑司馬正彈琴細
柳龍鱗映長槐兔月陰徒知觀衛玉詎肯挂秦巾

井

玉甃談仙客銅臺賞魏君蜀都宵映火杞國旦生雲向
日蓮花淨含風李樹薰已開千里國還聚五星文

宅

寂寞蓬蒿徑喧喧湫隘廬屢逢長者轍時引故人車孟
母遷鄰罷將軍辭第初誰憐草玄處獨對一牀書

池

綵櫂浮太液清觴醉習家詩情對明月雲曲拂流霞煙
散龍形淨波含鳳影斜安仁動秋興魚鳥思空賒

樓

百尺重城際千尋大道隈漢宮井榦起吳國落星開笛
怨綠珠去簫隨弄玉來銷憂聊暇日誰識仲宣才

橋

烏鵲填應滿黃公去不歸勢疑虹始見形似雁初飛妙
應七星制高分半月輝秦王空構石仙島遠難依

經

漢室鴻儒盛鄒堂大義明五千道德闡三百禮儀成青
紫方拾芥黃金徒滿籛誰知懷逸辯重席冠羣英

史

馬記天官設班圖地里新善談方疊疊青簡見彬彬方

朔初聞漢荆軻昔向秦正辭堪載筆終冀作良臣

詩

都尉仙鳧遠梁王駟馬來扇中紈素製機上錦紋回天
子三章傳陳王七步才緇衣久擅美祖德信悠哉

賦

布義孫卿子登高楚屈平銅臺初下筆樂觀正飛纓乍
有凌雲勢時聞擲地聲造端長體物無復大夫名

書

削簡龍文見臨池鳥跡舒河圖八卦出洛範

一作字

九疇

初垂露春光滿崩雲骨氣餘請君看入木一寸乃非虛

檄

第二句
缺一字

羽檄本宣明由來木聲聯翩至漢國迢遞入燕營毛

義持書去張儀韞璧行曹風雖覺愈陳草始知名

紙

妙跡蔡侯施芳名左伯馳雲飛錦綺落花發縹紅披舒

卷隨幽顯廉方合軌儀莫驚反掌

一作覆

字當取葛洪規

筆

握管門庭側含毫山水隈
霜輝簡上發錦字夢中開
鸚鵡搗文至麒麟絕句來
何當遇良史左右振奇才

硯

左思裁賦日王充作論年
光隨錦文發形帶石巖圓
積潤循毫裏開池小學前
君苗徒見燕誰詠士衡篇

墨

長安分石炭上黨結松心
遶畫蠅初落含滋綬更深
悲

絲光易染疊素彩還沈別有張芝學書池幸見臨

劍

我有昆吾劍求趨夫子庭白虹時切玉紫氣夜干星
上芙蓉動匣中霜雪明倚天持報國畫地取雄名

刀

列辟鳴鸞至惟良佩犢旋帶環疑寫月引鑑似含泉
入夢華梁上含鋒彩筆前莫驚開百鍊特擬定三邊

箭

漢甸初收羽燕城忽解圍影隨流水急光帶落星飛夏
列三成範堯沈九日輝斷蛟雲夢澤希為識忘歸

彈

俠客持蘇合佳遊滿帝鄉避丸深可誚求灸遂難忘金

迸疑星落珠沈

一作
成

似月光誰知少孺子將此見

一作
諫

吳王

弩

挺質本軒皇

一作
黃

申威振遠方機張驚雉雠玉彩耀星

芒高鳥行應盡清猿坐見傷蘇秦六百步持此說韓王

旗

桂影承宵月虹輝接曙雲縱橫齊八陣舒卷引三軍日
薄蛟龍影風翻鳥隼文誰知懷勇志蟠地幾繽紛

旌

告善康莊側求賢市肆中擁麾分彩雉持節曳丹虹影
麗天山雪光搖朔塞風方知美周政抗旆賦車攻

戈

第八句
缺一字

富父春喉日殷辛漂杵年曉霜含白刃落影駐雕鋌夕
擯金門側朝提玉塞前願隨龍影度橫陣雲邊

鼓

舜日諧鼗響堯年韻土聲向樓疑吹擊震谷似雷驚仙
鶴排門起靈鼉帶水鳴樂云行已奏禮曰美相成

弓

桃文稱辟惡桑質表初生宛轉雕韃際依稀半月明遙
彎弓落雁影靈引怯猿聲徒切烏號思攀龍遂不成

琴

名士竹林隈，鳴琴寶匣開。風前中散至，月下步兵來。

一作

風前綠綺弄
月下白雲來

淮海夕為室，梁岷舊作臺。子期如可聽，山

水響餘哀。

武邱山有琴
室近淮海

瑟

伏羲初製法，素女昔傳名。流水嘉魚躍，叢臺舞鳳驚。嘉
賓飲未極，君子娛俱并。倘入丘之戶，應知由也情。

琵琶

朱絲聞岱谷鑠質本多端半月分弦出叢花拂面安將
軍曾制曲司馬屢陪觀本是胡中樂希君馬上彈

箏

蒙恬芳軌設遊楚妙彈開新曲帳中發清音指下來鈿
裝模六律柱列配三才莫聽西秦奏箏箏有剩哀

箏箏
釋名

曰箏施弦
高箏箏然

鐘

一作宋
之問詩

既接南鄰磬還隨

一作
同

北里笙平陵通曙響長樂警

一作

微

宵聲秋至含霜動春歸應律鳴欲知常待扣金篴有

餘清

簫

下四句缺

虞舜調清管王褒賦雅音參差橫鳳翼搜索動人心

笛

一作宋之問詩

羌笛寫龍

一作餘

聲長吟入夜清關山孤月下來向隴頭

鳴逐吹梅花落含春柳色驚行觀向子賦坐憶舊鄰情

笙

懸苑曲沃上孤篠汶陽隈形寫歌鸞翼聲隨舞鳳哀歡
娛分北里純孝卽南陔今日虞音奏蹒蹒鳥獸來

歌

漢帝臨汾水周仙去洛濱郢中吟白雪梁上繞飛塵響

發行雲駐聲隨

一作嬌

子夜新願君聽扣角當自識賢臣

舞

妙伎遊金谷佳人滿石城霞衣席上轉花岫

一作袖

雪前

明儀鳳諧清曲回鸞應雅聲非君一顧重誰賞素腰輕

御定全唐詩卷五十九

欽定四庫全書薈要卷一萬七千四百六十五

集部

御定全唐詩卷六十

李嶠

珠

燦爛金輿側玲瓏玉殿隈
昆池明月滿合浦夜光回
彩逐靈蛇轉形隨舞鳳來
甘泉宮起罷花媚望風臺

玉

映石先過魏連城
欲向秦洛陽陪勝友
燕趙類佳人方

水晴虹媚常山瑞馬新徒為卞和識不過楚王珍

金

南楚標前貢西秦識舊城祭天封漢嶺擲地警孫聲向日披沙淨含風振鐸鳴方同楊伯起獨有四知名

銀

思婦屏輝掩遊人燭影長玉壺初下箭桐井共安牀色帶長河色光浮滿月光靈山有珍甕仙闕薦君王

錢

漢日五銖建姬年九府流天龍帶泉寶地馬列金溝趙
壹囊初乏何曾著欲收金門應入論玉井冀來求

錦

漢使巾車遠河陽步障陳雲浮仙石日霞滿蜀江春機
迴回文巧紳兼束髮新若逢楚王貴不作夜行人

羅

妙舞隨裙動行歌入扇清蓮花依帳發秋月鑒帷明雲
薄衣初捲蟬飛翼轉輕若珍三代服同擅綺紈名

綾

金縷通秦國為表指魏君落花遙寫霧飛鶴近圖雲馬
眼冰凌影竹根雪霰文何當畫秦女煙際坐氤氳

素

首句缺四字第
三句缺二字

女纖腰洛浦妃

遠方望雁足上林飛妙

奪鮫綃色光騰月扇輝非君下路去誰賞故人機

布

御績創義黃緇冠表素王瀑飛臨碧海火浣擅炎方孫

被登三相劉衣闡四方佇因春斗粟來曉棣華芳

舟

征權三江暮連檣萬里回相烏風際轉畫鷁浪前開羽
客乘霞至仙人弄月來何當同傳說特展巨川材

車

天子馭金根蒲輪闕四門五神趨雪至雙轂似雷奔丹
鳳棲金轄非熊載寶軒無階忝虛左珠乘奉王言

牀

傳聞有象牀疇昔獻君王玳瑁千金起珊瑚七寶妝桂
筵含栢馥蘭席拂沈香願奉羅帷夜長乘秋月光

席

避席承宣父重筵揖戴公桂香浮半月蘭氣襲回風舞
拂丹霞上歌清白雪中佇將文綺色舒卷帝王宮

帷

久閉先生戶高褰太守車羅將翡翠合錦逐鳳皇舒明
月彈琴夜清風入幌初方知決勝策黃石受兵書

簾

清風時入燕紫殿
幾含秋暖暖籠鈴閣
纖纖上玉鈎窗
中翡翠動戶外水精浮
巧作盤龍勢長迎飛燕遊

屏

洞徹琉璃蔽威紆屈膝回錦中雲母列霞上織成開山
水含春動神仙倒景來脩身兼竭節誰識作銘才

被

桂友尋東閣蘭交聚北堂象筵分錦繡羅薦合鴛鴦光

逸偷眠穩王章泣恨長孔懷欣共寢棣萼幾含芳

鑑

明鑑掩塵埃含情照魏臺日中烏鵲至花裏鳳皇采玉
彩疑冰徹金輝似月開方知樂彥輔自有鑒人才

扇

翟羽舊傳名蒲葵價不輕花芳不滿面羅薄詎障聲御
熱含風細臨秋帶月明同心如可贈持表合歡情

燭

兔月清光隱龍盤畫燭新三星花入夜四序玉調晨浮
炷依羅幌吹香匝綺茵若逢燕國相持用舉賢人

酒

孔坐洽良儔陳筵幾獻酬臨風竹葉滿湛月桂香浮每
接高陽宴長陪河朔遊會從玄石飲雲雨出圓丘

蘭

虛室重招尋忘言契斷金英浮漢家酒雪儷楚王琴廣
殿輕香發高臺遠吹吟河汾應擢秀誰肯訪山陰

菊

玉律三秋暮，金精九日開。
榮舒洛媛浦，香泛野人杯。
靡寒潭側，丰茸曉岸隈。
黃花今日晚，無復白衣來。

竹

高幹楚江濱，嬋娟

一作蕭條

含曙

一作翠

氛白花，搖鳳影青節。

動龍文葉，埽東南日枝。
捎西北雲，誰知湘水上。
流淚獨思君。

藤

吐葉依松磴舒苗長石臺神農嘗藥罷質子寄書來色
映蒲萄架花分竹葉杯金隄不見識玉潤幾重開

萱

屣

一作履

少尋芳草

一作日

忘憂自結叢黃英開養性綠葉

正依籠

一作葉舒春夏
綠花吐淺深紅

色湛仙人露香傳少女風還依

一作含貞

北堂下曹植動文雄

茅

楚甸供王日衡陽入貢年磨色青野外鷗

一作鷗

嘯綺楹

前堯帝成茨罷殷湯祭雨旋方期大君錫不懼小巫捐

荷

新溜滿澄陂圓荷影若規風來香氣遠日落蓋陰移魚
戲排緗葉龜浮見綠池魏朝難接採楚服但同披

萍

二月虹初見三春蟻正浮青蘋含吹轉紫蒂帶波流屢
逐明神薦常隨旅客遊既能甜似蜜還一作復遶楚王舟

菱

鉅野韶光暮東平春溜通影搖江浦月香引櫂歌風日
色翻池上潭花發鏡中五湖多賞樂千里望難窮

瓜

欲識東陵味青門五色瓜龍蹄遠珠履女臂動金花六
子方呈瑞三仙實可嘉終朝奉締綌謁帝佇非賒

松

鬱鬱高巖表森森幽澗陔鶴棲君子樹風拂大夫枝百

尺條陰合千年蓋影披歲寒終

一作

不改

一作

勁

一作

節幸君知

桂

未值銀

一作蟾

宮裏寧移玉殿幽枝生無限月花滿自然

秋俠客條為馬仙人葉作舟願君期道術攀折可淹留

槐

暮律移寒火春宮長舊栽葉生馳道側花落鳳庭隈
烈士懷忠觸鴻儒訪業來何當赤墀下疎幹擬三台

柳

楊柳鬱氤氳金堤總翠氛庭前花類雪樓際葉如雲列
宿分龍影芳池寫鳳文短簫何以奏攀折為思君

桐

孤秀嶧陽岑亭亭出衆林春光雜鳳影秋月弄圭陰高
映龍門迴雙依玉井深

一作忽被夜風
激遂逢霜雪侵

不因將入爨誰

謂作鳴琴

桃

獨有成蹊處穠華發井傍山風凝笑臉朝露泣啼妝隱

士顏應改仙人路漸長還欣上林苑千歲奉君王

李

潘岳閒居日

一作暇

王戎戲陌辰蝶遊芳徑馥鶯囀弱枝

新葉暗青房晚花明玉井春方知有靈榦特

一作持

用表

真人

梨

擅美玄光側傳芳瀚海中鳳文疎象郡花影麗新豐色
對瑤池紫甘依大谷紅若令逢漢主還冀識張公

梅

大庾歛寒光南枝獨早芳雪含朝暝

一作紫花

色風引去來

香妝面回青鏡歌塵起畫梁若能遙止渴何暇泛瓊漿

橘

萬里盤根植千秋布葉繁既榮潘子賦方重陸生言玉
藹含霜動金衣逐吹翻願辭湘水曲長茂上林園

鳳

有鳥居丹穴其名曰鳳皇九苞應靈瑞五色成文章屢

向秦樓側頻過洛水陽鳴岐今日見一作阿閣佇來翔

鶴

黃鶴遠聯翩從鸞下紫煙翱翔一萬里來去幾千年已
憩青田側時遊丹禁前莫言空警露猶冀一聞天

烏

日路朝飛急霜臺夕影寒聯翩依月樹迢遞繞風竿白
首何年改青琴此夜彈靈臺如可託千里向長安

鵲

不分荆山抵甘從石印飛危巢畏風急繞樹覺星稀喜
逐行人至愁隨織女歸倘遊明鏡裏朝夕動光輝

雁

春暉滿朔方歸雁發衡陽望月驚弦影排雲結陣行往
還倦南北朝夕苦風霜寄語能鳴侶一作伴相隨入帝鄉

鳧

颯沓睢陽溪浮游漢水隈錢飛出一作入井見鶴引入琴

哀李陵賦

一作降將貽

詩罷王喬曳鳥來何當歸太液一作翔

翔
集動成雷

鷓鴣

芳樹雜花紅羣鷓鴣亂曉空聲分折楊吹
一作柳 嬌韻落梅

風寫嘒清弦裏遷喬暗木中友生若可冀幽谷響曾還通

一作睨 睨度花紅闕闕亂曉空乍離幽谷日先嘒上林
風翔集春臺側低昂錦帳中聲詩辨搏黍此興思無窮

雉

白雉振朝聲飛來表太平楚郊疑鳳出陳寶若雞鳴童

子懷仁至中郎作賦成冀君看飲啄耿介獨含情

燕

天女伺辰至玄衣澹碧空差池沐時雨頡頏舞春風相

賀雕闌側雙飛翠幕中勿

一作忽

驚留爪去猶冀識吳宮

吳地記吳宮中剪燕爪留之以記更來

雀

大厦初成日嘉賓集杏梁銜書表周瑞入幕應王祥暮
宿江城裏朝遊連水傍願齊鴻鵠至希逐鳳皇翔

龍

銜燭耀

一作輝

幽都含章擬鳳雛西秦飲渭水東洛薦河

圖帶火移星陸升雲出鼎湖希逢聖人步庭闕正晨趨

麟

漢祀應祥開魯郊西狩回奇音中鍾呂成角喻英才畫

像臨仙閣藏書入帝臺若鷲能吐哺為待

一作觀

鳳皇來

象

鬱林開郡畢維揚作貢初萬推方演夢惠子正焚書執
燧奔吳戰量舟入魏墟六牙行致遠千葉奉高居

馬

天馬本來東嘶驚御史
馳蒼龍遙逐日紫燕迴追風
明月來鞍上浮雲落蓋中
得隨穆天子何假唐成公

牛

齊歌初入相燕陣早橫功
欲向桃林下先過梓樹中
在吳頻喘月奔夢屢驚風
不用五丁士如何九折通

豹

車法摩宗周讎文闡大猷
還將君子變來蘊太公籌

一作

謀

委質超羊羴飛名列虎侯若令逢雨露長隱南山幽

熊

導洛宜陽右乘春別館前昭儀忠漢日太傅翊周年列

射三侯滿興師七步旋莫言舒紫褥猶異飲清泉

鹿

涿鹿聞中冀秦原闕帝畿柰花開舊苑萍葉藹前詩道

士乘仙日先生折角時方懷丈夫志抗首別心期


羊

絕飲懲澆俗行驅夢逸材仙人擁石去童子馭車來夜
玉含星動晨璫映雪開莫言鴻漸力長牧上林隈

兔

上蔡應初擊平岡遠不稀目隨槐葉長形逐桂條飛漢
月澄秋色梁園映雪輝唯當感純孝郭郭引兵威

御定全唐詩卷六十



總校官庶吉士 臣 張能照

校對官檢討 臣 龔大萬

騰錄監生 臣 張元輯